



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 4. Joannes Castiliæ Rex Clementem agnoscit Papam.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV. nam accitus, Joannes Biturigum, & Philippus Burgundiæ Duces. Andegavensis ut natu maximus agebat tutorem Regis nepotis sui, quem die Dominica 4 Novembris eodem anno Remis inungendum curavit: ac pro potestate sua extruebat pecuniæ cumulos ad occupandam Neapolim usui futuros.

Labbe Mesl. cur. p. 694.

§. IV.

Joannes Castiliæ Rex Clementem agnoscit Papam.

Interim Legati, quos Rex Castellæ Joannes Romam, & Avenionem miserat, munus obierant suum. Cardinalis Petrus Lunius versabatur in Hispania ut Legatus Clementis jam inde ab hujus electione. Papa Urbanus hoc anno Calendis Maji Franciscum Faventinum Episcopum eo misit cum potestate docendi facta ad demonstrandam legitimam sui electionem pertinentia. Rex hos ut Legatos audiret, magnum conventum celebrabat in quodam Salamanticensis dioeceseos loco, cui nomen Metina Campestris: ubi causa Urbani, & Clementis commode discutiebatur.

Die Veneris 23 Nov. 1380 Cardinalis Petrus Lunius lingua patria, nempe Hispanica longam orationem dicens contendente-

Vita PP.

p. 1285.

Id. p. 490.

495. 1267.

Rayn. 1380.

n. 19.

tendebat electionem Urbani esse nullam, Sæcul. XIV.
 quippe quæ per violentiam fuisset facta: & A. C. 1380.
 obsecrabat Regem, ut a iusta Clementis
 causa staret. Sequentè Dominica Faventinus
 Episcopus pro Urbano Sermonem *Martin.*
 instituit, quem habemus, & ubi inter *Theaur. to.*
 alia inquit: Cardinales perhibent Archi- *2. p. 1085.*
 episcopum Barianum a se cooptatum esse *Sup. l. 79.*
 metu mortis: cur electionis promulga- *S. 49. 50.*
 tionem differebant? Timebantne, ne se
 cito nimium liberarent periculo? Ac de- *p. 1088.*
 inde: Quatuor Cardinales Roma egressi,
 ac sex alii, qui se incluserant castello S.
 Angeli, sua sponte redierunt: quia cogi
 non poterant: ergo Urbani collocatio in *p. 1093.*
 folio, inauguratio, & omnia, quæ seque-
 bantur, libere fiebant. Et rursus: Ro-
 mani reverentiam præstabant Cardinali-
 bus: ac ne minimum quidem ex eorum
 domesticis, nedum ipsos lædebant. Fi-
 niit orando Regem, ut mox partes Urba-
 ni susciperet.

Die lunæ sexto Calendas Decembres
 comparuit Rodericus Bernardus, quem
 Rex Roman, & Avenionem miserat cum
 Ferdinando Tituacino conscientiaæ suæ
 Arbitro ex Ordine Minorum. Roderi-
 cus exhibuit Papæ Urbani litteras Romæ
 acceptas, quæ continebant Casum, seu
Factum Urbani, scilicet relationem facto-
 rum ad probandam canonicam ejus ele-
 ctionem spectantium. Hoc in confessu

Z 3 aderant

Sæcul. XIV
A. C. 1380.

aderant Rex Joannes, duo Petri Archiepiscopi Toletanus, & Hispalensis, Joannes Seguntiae, Alphonsus Abulae, Joannes Giennae, ac Ferdinandus Legionis Episcopi quatuor. Habemus id Papae Urbani *Factum* satis consentaneum narrationi, qua ejus electionem exposui: & ibi primum inveni usurpatam hoc in sensu vocem *Factum*.

Rayn. 1378.
n. 73.

Duboulay
p. 468.

Postridie Petrus Lunius attulit complicata chartae folia complectentia Casum, seu *Factum* Cardinalium Clementinorum conformatum ad modum memoriae publicae, ac 2 Augusti scriptum. Quarto Decembris Rodericus Bernardus Regi nunciavit ea, quae Romae, & Avenione cum Fratre Ferdinando egerat: tum et scriptas tradidit assertiones, & nomina testium, quos juratos utroque in loco ipse ac reliqui Legati Regis audierant, & quorum in numero multi Cardinales, ac Episcopi erant. Sexto Decembris Rex Joannes, postquam sacro interfuerat, jubebat legi verba, in quae jurare voluit fautores partium, & Cognitores causae a se constitutos. Decimo ejusdem mensis nominavit Viros, qui exciperent testimonia propositionum utriusque partis. Quae res illos occupavit a 28 Decembris usque ad Calendas Majas anni 1381.

Vita pag.
1287.

p. 1292.

Examinatis partium documentis omnibus Rex tota cum aula, & comitatu suo
Sala-

Salamanticam profectus cunctos Præfules, Nobilesque, ac reliquos hanc ob rem convocatos die Dominica 19 Maji cathedrale in templum mane congregavit; peractoque sacrificio coram Cardinali Legato, & magna hominum multitudine legi voluit suam declarationem, qua rejiciebat Bartholomæum Prignanum ut intrusum sacram in sedem; & Papam agnoscebat Clementem tanquam legitime electum, ac verum Christi Vicarium.

Addebat vero istas condiciones: Clemens regni Episcopatus, aliaque beneficia solis conferet indigenis. Per litteras spondebit se nunquam sibi reservaturum redditus beneficiorum, vel bona Præfulum morientium. Episcopatum, aliorumque beneficiorum collationes per Urbanum factas non infirmabit. Promissa beneficiorum, quæ prima vacaverint, censurasque a sui electione usque ad Regis declarationem irrogatas retinet. Beneficia deinceps non arbitrio reservabit suo: neque decimas, aliave subsidia pecuniaria exiget.

§. V.

Carolus de Pace versatur in Italia.

Interea Carolus de Pace in Italiam, & Romam venit: ubi suaviter excepto Urbanus solenni ritu contulit Siciliam cis fretum